



# Il mas-chalch da Sent

Publicaziuns officialas. Cumpara seguond bsögn.

2009/2011

no. 14

7554 Sent, 23 october 2009 / bmr

## Publicaziuns da fabrica

**Reguarda:** Lingia nouva d'aua, Camping, 7554 Sur En

**Patrun da fabrica:** Wolfgang Bosshardt, Camping, 7554 Sur En

**Profilà:** --

**Publicaziun:** 23.10.2009

**Termin da protesta:** 12.11.2009

---

**Reguarda:** S-chala interna, Stron 245, 7554 Sent

**Patrun da fabrica:** Daniel Zangger, Chrüzwies 1, 8852 Altendorf

**Profilà:** --

**Publicaziun:** 23.10.2009

**Termin da protesta:** 12.11.2009

---

**Reguarda:** Terassa vers ost, Chasa B, 7554 Sent

**Patrun da fabrica:** Armon Taverna, Tanter Vias, 7554 Sent

**Profilà:** --

**Publicaziun:** 23.10.2009

**Termin da protesta:** 12.11.2009

---

**Reguarda:** Renovaziun installaziuns sanitarias e nouva sauna,  
Chasellas 62, 7554 Sent

**Patrun da fabrica:** Ursina Donnerstag, Binzenstrasse 35, 8044 Gockhausen

**Profilà:** --

**Publicaziun:** 23.10.2009

**Termin da protesta:** 12.11.2009

---

**Edizium:** Tuot ils plans sun exposts in büro cumünal.

**Recuors:** Protestas da dret public, cunter quistas publicaziuns, sun d'inoltrar infra 20 dis in scrit, a partir da la data da publicaziun, al Cussagl cumünal.

**La cumischiun da fabrica**

## **Radunanza da bügls**

Illa sezzüda dals 10 avuost 2009 es il Cussagl cumünal gnü orientà dal schef d'aua cha la situaziun d'hoz muossa cha da tuot ils bügls es be quel da Crusch in possess privat, tuot tschels sun, daspö l'introducziun dal cudesch fundiari federal (i'ls ons 80), in possess dal cumün politic. Quella jada nun han tenor infuormaziuns dal cudesch fundiari las bavradooiras plü fat valair lur vegls drets.

Il Cussagl cumünal es da l'avis da chattar üna soluziun per mantegner inavant la tradiziun e las cumünanzas (bavradooiras) dals bügls. Perquai vulaina invidar a la populaziun ed impustüt als commembers da bavradooiras ad üna sairada da discussiun per fixar insembel il proceder a regard il custodi e'l mantegnimaint dals bügls per l'avegnir, chi sun pel cumün da Sent ün important factur a regard l'aspet dal cumün. Sco infuormaziun chattaivat aggiunt al Mas-chalch ün plan cullas bavradooiras da Sent. L'inscunter ha lö in **marcurdi, 18 november 2009 a las 20.00 illa chasa cumünala.**

**Il Cussagl cumünal**

## **Palperi vegl**

In marcurdi, als 28 october 2009 a partir da las 08.00 ramassaina palperi vegl. Attenziun! Tenor las directivas da la Pro Engiadina Bassa pudaina ramassar be plü palperi lià in faschs cun cordas chi tegnan. (Sachs e tas-chas da plastic e da palperi sco eir chartun nu sun admiss).

**La scoula**

## **Controlla ufficiala da s-chodamaints 2009 / 2010**

*(Amtliche Oelfeuerungskontrolle 2009 / 2010)*

Las controllas dals s-chodamaints d'öla vegnan fattas a Sent davent dals :

Sent / Sur En	15.12.09	--	31.01.10
---------------	----------	----	----------

Nus giavüschain da tour a cogniziun da quist avis.

**Men Caviezel**

## **1. november: Di da schoppa**

11.00 pregia, culla collavuraziun da confirmants

12.00 giantar in chasa cumünala a favur da l'ouvra d'agüd Aama da Brigitta Meier. Cun preschantaziun dals progets sustgnüts in India.

**I invidan ils preparants, confirmants  
e ravarenda Jörg Büchel**

## **Giantar cumünaivel**

Il prüm giantar da cumpagnia (giantar da bacharia) ha lö ils 11 november 2009 sü Ftan, i'l restaurant Bellavista. Partenza culla posta davent da Sent a las 11.10. Ils cuosts pel viadi surpiglia la corporaziun evangelica. Annunzchas fin als 8 november 2009, pro duonna Erica Clalüna, sül no. da telefon 081 864 07 59. Sperand sün üna gronda cumparsa, ed ün bel temp,

**As salüda la corporaziun  
evangelica Sent**

## **Reavertüra – Sport Champatsch**

La butia Sport Champatsch es darcheu averta davent dals:

7 november 2009 da las	9.00 – 11.00 e da las	15.00 – 17.00, dumengia serrà.	
A partir dals	12 december 2009 da las	8.00 – 12.00 e da las	15.00 – 18.00
dumengia	8.30 – 10.00 e da las	16.00 – 18.00	

No ans allegrain sün vossa visita.

**Team Sport Champatsch**

### **Da vender a Sent, terrain:**

Tscherchè da vender a Sent, üna parcella **terrain da fabrica** da 658 m<sup>2</sup> aint illa Via da Tschern ed üna parcella **terrain agricul** da 1279 m<sup>2</sup> aint a Bügliöl.

Interressents s'annunzchan per plaschair suot il nommer da telefon 079 255 86 39 o 081 322 33 30.

**Sepina Attenhofer**

### **Da dar a fit a Sent:**

Tscherchè da dar a fit a Sent in Palüzot, ün' abitaziun da 4 1/2 stanzas (170 m<sup>2</sup>) gronds locals, cun entrada directa, piazza davant chasa, maschina da lavar e tumbler, piazza da parcar e schler. Fit al mais excl. cuosts supplementars frs. 1'250.--. Cuosts supplementars ca. 300.-- al mais.

Annunzchas piglia incunter suot il nomer da telefon 079 402 62 94 sar dr. Rudolf Horn.

E- Mail: [rudolf@horn-ch.org](mailto:rudolf@horn-ch.org)

**Dr. Rudolf Horn**

### **Proget da chant**

Scha l'interess es avantman organisaina eir dal 2009/2010 ün proget da chant per creschüts culla partecipaziun da la 5 e 6avla classa. Quel proget nun ha be il böt da svagliar il plaschair da chantar, ma eir da promover la cumünanza. Sco culminaziun vaina previs da prodüer noss resultats in fuorma da concert illa baselgia da Sent (data: sonda, 5 gün 2010).

#### Program:

„Schlagers“ da differentes temps

*(Rote Lippen soll man küssen, Wochenende und Sonnenschein, Kriminaltango ...)*

Las prouvas (4 blocs a 5 - 6 prouvas) han lö il lündeschdi saira (20.15-22.00).

I dà in mincha cas singulas prouvas cumünai vlas culs scolars suot la guida da Jachen Janett chi dirigiarà eir il concert! Sco instrumentalists vaina pudü ingaschar a Risch Biert (clavazin) e Domenic Janett (clarinetta e saxofon).

### **Prüma prouva cun orientaziun: lündeschdi, 2 november 09 / 20.15 scoula**

Sperond chi detta üna gronda partecipaziun as salüdaing cordialmaing

**Nataglia Caviezel, Gianna  
Bettina Gritti, Gian Caviezel ed  
Andri Gritti**

### **Referat public**

#### **Grischun-il miracul blau**

#### **lündeschdi, als 16 da november 2009 20.15 chasa da scoula Sent**

In occasiun dal proget „Grischun-il miracul blau“ ha **Ernst Bromeis-Camichel** traversà dürant la stà dal 2008 tuot ils lais dal Grischun e quai nodond. El ans quintarà da sias experienzas chi regardan las prestaziuns sportivas, el ans tradirà ils böts ch'el vül ragiundscher a regard l'ecologia ed el ans muossarà bellas fotografias sün taila gronda.

Il referat es public. El vain tgnü in lingua rumantscha.

**La scoula da Sent**

## Inscunter cun püschain per duonnas

Als 14 november 2009, da las 9.00 fin las 11.00 ha darcheu lö il püschain da duonnas illa bella sala polivalenta da la chasa Puntota (dmura d'attempats) a Scuol.

Davo ün bun püschain cun roba fatta sves referischa duonna Therese Lechner da Goldach SG sur dal tema: "Wut, Agression, Gewalt – was tun, wenn Emotionen hochgehen?"

Che capita scha no nun eschan plü bunas da tgnair in frains noss sentimaints da rabgia? Scha no tils laschain oura, schi patischa inchün oter suot quai. Scha no tils magliain aint, schi daja ün squitsch in no. Minchüna da no varà fingià fat sias experienzas cun quist tema. Il referat vain imbelli da chant al clavazzin.

Il püschain es ün arrandschamaint chi dà in tuot la Svizra ed es da libra confessiun. El vain organisà d'ün team da duonnas da differentas baselgias. Tuottas sun amiaivelmaing invidadas. Ils cuosts importan fr. 18.-.

Annunzchas e dumondas piglia incunter duonna Jolanda Thanei, tel 081 858 59 64 / 076 472 40 73.

## Kinesiologia uossa eir a Sent

Kinesiologia es üna metoda da la medicina alternativa. Cun prouvas vi da las musclas as raggiundscha l'equiliber i'l sistem d'energia ed il corp vain lura manà in ün'armonia cumplessiva.

### Gesundheit/ sandà

Gleichgewicht im Energiesystem herstellen

Stärken des Immunsystems

Lösen von Blockaden und Ursachen erkennen (psychisch und physisch)

Allergien erkennen

### Sport

Ziele setzen

Stressabbau und mentale Arbeit

Stärken der Muskulatur im Hinblick auf ihren spezifischen Einsatz

Ungenützte Potenziale aktivieren

### Lernen/imprender

Arbeit an den Lernvoraussetzungen

Ursachen von Lernblockaden erkennen

La pratcha da kinesiologia as rechatta illa chasa "Ma Perla", Sot Pradè 132.

Per cunvgnir ün termin, p.pl. telefonar nr.: 081 860 03 28

obain trametter ün e-mail: [martina@kinesiologie-chleblatt.ch](mailto:martina@kinesiologie-chleblatt.ch)

Per vos interess s'ingrazcha ouravant ed eu m'allegr da pudair as bivgnantar in mia pratcha

Martina Weiss-Lorenzi

S'Chleblatt- [www.kinesiologie-chleblatt.ch](http://www.kinesiologie-chleblatt.ch)